

## Evening Dogri (NSD) Bulletin 27-11-2024

### आकाशवाणी

- विरोधी धड़ें आसेआ बकख-बकख मुद्दें गी लेइयै पाई गेदी उंड रौली दे चलदे संसद दे दौनें सदनें दी कार्रावई दिन भरै लेई स्थगित।
- महाराष्ट्र दे कार्यवाहक मुखमंत्री एकनाथ शिंदे होरें आखेआ ऐ जे राज्य च अगला मुखमंत्री बनाने गी लेइए प्रधानमंत्री मोदी, गृह मंत्री अमित शाह ते बीजेपी नेतृत्व दा फैसला गै मुकदा फैसला होग।
- केंद्री अल्पसंख्यक मामलें दे मंत्री किरें रिजिजू होरें आखेआ ऐ जे मुख्खै च कोई 59 जहार वक्फ संपत्तिएं पर कब्जा ऐ।
- रेल मंत्री अश्विनी वैशणव होरें आखेआ ऐ जे सरकार दी रेल गड्डिउएं च अन आरक्षित डब्बें गी खत्म करने दी कोई योजना नेई ऐ।
- प्रधानमंत्री नरेंद्र मोदी होरें नौजोआनें गी विकसित भारत यंग लीडर क्विज च हिस्सा लैने दा आह्वान कीता ऐ।
- सरकारै अज्ज नर्मी दिल्ली च बाल विवाह मुक्त भारत अभियान दी शुरूआत कीती।
- केंद्री गृह मंत्रालय नै आतंकवादी रोधी तुरत कार्रवाइएं लेई जम्मू च राष्ट्रीय सुरक्षा गार्ड-एन.एस.जी दा स्थाई केंद्र स्थापित कीता ऐ।

## Parliament Adjourned

संसद च इक प्रमुख कारोबारी समूह दे खलाफ गुज्जखोरी दे आरोपे सने बक्ख-बक्ख मुद्दे पर विपक्ष दे हंगामे दे चलदे अज्ज दौने सदने दी कार्यवाही दिन भरे लेई स्थगित करी दिती गई। राज्यसभा च पैहले स्थगन दे बाद सदन दी कार्यवाही साढ़े 11 बजे शुरू होई, तां कांग्रेस, वामपंथी दले, डीएमके, तृणमूल कांग्रेस, समाजवादी पार्टी ते आम आदमी पार्टी सने विपक्षी सदस्ये दा हंगामा जारी रेया। इस कारण सदन दी कार्यवाही दिन भरे लेई स्थगित करी दिती गई। एहदे शा पैहले अज्ज बड्ले सदन दी कार्यवाही शुरू होई, तां सभापति जगदीप धनखड़ हों विपक्ष दी तरफा नियम 267 दे तैहत स्थगन नोटिस खारिज करी दिते। एह नोटिस प्रमुख कारोबारी समूह दे खलाफ गुज्जखोरी दे आरोपे, मणिपुर हिंसा ते उत्तरप्रदेश दे सम्भवल च हिंसा दे मामले पर दिते गेदे हे। श्री धनखड़ हों सदस्ये गी गुजारिश कीती जे ओह चर्चा लेई साज़गार म्हौल बनाई रखन ते सदन दी कार्यवाही च सैहयोग करन। बरोधी सदस्ये हंगामा जारी रखेआ ते सदन गी साढ़े 11 बजे तगर लेई स्थगित करी दित्ता गेआ। उधर, लोकसभा च पैहले स्थगन दे बाद जेल्ले दपैही 12 बजे सदन दी कार्यवाही शुरू होई तां कांग्रेस, समाजवादी पार्टी, डीएमके ते होरने बरोधी दले दे सदस्य इक प्रमुख कारोबारी समूह पर कथित गुज्जखोरी दे आरोपे ते होरने मुद्दे गी लेइयै नारेबाजी करदे होई सदन दे बिचो-बिच आई गे। हंगामा जारी रौहने करी सदन गी दिनभरे लेई स्थगित करना पेई गेआ।

<><><><><><>

## LS-Waqf

केंद्री अल्पसंख्यक मामले दे मंत्री किरिन रिजिजू होरें आखेआ जे देश च करीब 59 जहार वक्फ संपत्तियें पर कब्जा ऐ। अज्ज लोकसभा च एह जानकारी दिंदे होई उनें दस्सेआ जे अधिनियम दी धाराएं मताबक राज्य वक्फ बोर्ड दे मुख कार्जकारी अधिकारी गी वक्फ संपत्तियें पर अनधिकृत कब्जें ते कब्जें खलाफ कनूनी कार्रवाई करने दा हुकम ऐ।

<><><><><><>

## LS-Unreserved-Coaches

सरकारै अज्ज जानकारी दिती ऐ जे रेल गड्डिएं च अन-आरक्षित डब्बें गी खत्म करने दी कोई योजना नेई ऐ। रेल मंत्री अश्विनी वैशणव होरें अज्ज लोकसभा च जानकारी दिती जे चालू माली बरे च ... कोच दे कन्नै चलने आहली मेल एक्सप्रेस रेल गड्डिएं च 600 कोला मते अनारक्षित डब्बे जोड़े गेन। बधदी मंग गी दिखदे होई भारतीय रेलवे दी नान ए.सी जनरल क्लास ते स्लीपर क्लास समेत 10 जहार डब्बे दे निर्माण दी योजना ऐ।

<><><><><><>

## LS-Vaishnav

सूचना ते प्रसारण मंत्री अश्विनी वैशणव होरें आखेआ जे सोशल मीडिया उप्पर अश्लील सामग्री पर रोक लाने लेई मजूदा कनूनें गी होर मते सख्त बनाने दी जरूरत ऐ। लोकसभा च इक पूरक सुआलें दा परता दिंदे होई वैशणव होरें आखेआ जे सोशल मीडिया प्रेस दी स्वतंत्रता दा इक बड्डा माध्यम ऐ। मगरा सोशल मीडिया च संपादकीय जांच पड़ताल दी कमी करी अश्लील सामग्री दा

प्रसारण बी हुंदा ऐ। ओ.टी.टी मंचें दी सामग्री दे बारे च वैशणव होरें आखेआ जे स्हाड़े देशै दी संस्कृति ते नेह सोशल मीडिया जित्थुआं आया ऐ, उनें देशें दी संस्कृति च मता फर्क ऐ। उनें आखेआ जे संसद दी सरबंधित स्थाई समिति गी इस मुद्दे पर विचार करना लोड़चदा ऐ ते सख्त कनून बनाने लोड़चदे। आचार संहिता तैहत प्रशासकें गी नेह कोई सामग्री दे प्रसारण दी इजाजत नेई ऐ जेड़ा जे कनून नै पाबंदी लाई ऐ। ओ.टी.टी मंचें लेई एह बी प्रावधान ऐ जे ओह ऐसी सामग्री दे प्रसारण च ध्यान रक्खडन जेडे जे बच्चें दे दिक्खने लेई स्हेई नेई ऐ।

<><><><><><>

Shinde

महाराष्ट्र दे कार्यवाहक मुखमंत्री एकनाथ शिंदे होरें अज्ज आखेआ ऐ जे नमा मुखमंत्री बनाने गी लेइए जेहड़ा बी फैसला प्रधानमंत्री नरेंद्र मोदी, गृह मंत्री अमित शाह ते बीजेपी दा बड्डा नेतृत्व लैग, ओह उनेंगी मंजूर होग। अज्ज दपैहरी मुम्बई च इक प्रेस कांफ्रेंस गी संबोधित करदे होई उनें आखेआ जे मुखमंत्री दे ओहदे गी लेइए महायुति च कुसै चाल्ली दा कोई मतभेद नेई ऐ। एहदे पर प्रतिक्रिया दिंदे होई बीजेपी दे प्रदेश अध्यक्ष चंद्रशेखर बावनकुले होरें आखेआ कि जिनें लोकें गी शेंका ही, उनेंगी शिंदे होरें खत्म करी दिता ऐ।

<><><><><><>

PM-Viksit Bharat Quiz

प्रधानमंत्री नरेंद्र मोदी होरें अज्ज नौजवानें अग्गे आह्वान कीता ऐ जे ओह विकसित भारत क्विज च हिस्सा लैन जेदे नै उंदा ऐतिहासिक विकसित भारत युवा नेता वार्ता च हिस्सा लैना यकीनी बनी सकदा ऐ। विकसित भारत प्रश्नोत्तरी

इक चऊं चरणों दी चुनौती ऐ जेदे च नौजवानें गी ऑल इंडिया डिजिटल क्विज मुकाबलेबाजी ऐ जेदे च नौजवानें गी हिस्सा लैने ते अपने विचार सांझे करने लेई साद्दा दिता गेदा ऐ। 25 नवंबर गी शुरू होई दी एह प्रतियोगिता 5 दिसंबर तोहड़ी चलोग। एह प्रतियोगिता 15 कोला 29 बरें दी उम्री दे सब्बनें नौजवानें लेई खुल्ली ऐ। इक सोशल मीडिया पोस्ट च प्रधानमंत्री होरें आखेआ जे एह नौजवानें दा इक महत्वपूर्ण योगदान होग जेदे राएं ओह विकसित भारत दे लक्ष्य गी हासल करी सकंगन। मोदी होरें आखेआ जे एह युवाएं दे नमें विचारें गी सरकार तगर पुजाने दा विशेष मौका ऐ।

<><><><><><>

### Shah-Cooperation

केंद्री सहकारिता मंत्री अमित शाह होरें आखेआ ऐ जे 2027 तगर भारत गी दुनिया दी त्री बड़ी अर्थ बवस्था बनाना केंद्र सरकार दा लक्ष्य ऐ ते इस सफर च सहकारिता मंत्रालय इक बड़ी गै महत्वपूर्ण भूमिका निभाग। कल नर्मी दिल्ली च राज्य दे सहकारिता बैंकें सरबंधी राष्ट्रीय फेडरेशन NAFSCOB दी हीरक जयंती समारोह गी संबोधित करदे होई उनें एह गल्ल आकखी।

<><><><><><>

### Bal Vivah Mukt Bharat

सरकारै अज्ज नर्मी दिल्ली च बाल विवाह मुक्त भारत नांस दे राष्ट्री अभियान दी शुरुआत कीती। इस अभियान दा मुख मकसद देशै गी बाल विवाह मुक्त राष्ट्र बनाना ऐ। महिला ते बाल विकास मंत्री अन्नपूर्णा देवी होरें अभियान दी शुरुआत करदे होई आखेआ जे सरकारै 130एं जिलें दी पन्छान कीती ऐ जित्थे

इस अभियान की मुख्य तौर पर चलाया जाएगा। उन्हें आखेआ जे बाल विवाह नां छड़ा इक अपराध ऐ सगुआं मनुक्खी अधिकारें दी उल्लंघना बी ऐ। केंद्री मंत्री होरें आखेआ जे बाल विवाह मुक्त भारत अभियान छड़ा 10 जां 15 दिनें दा आयोजन नेईं ऐ, सगुआं एह इक लगातार चलने आहला जतन ऐ। कार्यक्रम दरान अन्नपूर्णा देवी होरें बाल विवाह मुक्त भारत पोर्टल की बी शुरू करोआया। इस ऑनलाइन प्लेटफॉर्म की जागरूकता बधाने, बाल विवाह की रोकने ते बाल विवाह दिएं घटनाएं की दर्ज कराने दे अभियान लेईं विकसित कीता गेआ ऐ।

<><><><><><>

### Parliament-Bangladesh

केंद्री मंत्री गिरिराज सिंह होरें बंगलादेश च हिंदुएं पर हमले दे मामले च संयुक्त राष्ट्र आसेआ दखल दिते जाने की मंग कीती ऐ। अज्ज संसद दे बाहरें पत्रकारें कन्ने गल्ल करदे होईं उन्हें आखेआ जे एह घटना दर्शादी ऐ जे बंगलादेश की अंतरिम सरकार कट्टरपंथिएं दे चुंगलै च न। उन्हें आखेआ जे इस चाल्ली दे हमले मनुक्खता दे खलाफ न। उन्हें इस मामले च कांग्रेस ते विरोधी धड़ें की खामोशी पर बी सोआल पुट्टेआ। संसद दे बाहर मीडिया कन्ने गल्ल करदे होईं जन सेना पार्टी दे प्रमुख ते आंध्र प्रदेश दे उपमुखर्मी पवन कल्याण होरें आखेआ जे बंगलादेश च जे किश होआ करदा ऐ, ओह बड़ा मता तकलीफ देने आहला ऐ। उन्हें आखेआ कि जेकर फिलिस्तीन च किश होंदा ऐ तां पूरा विरोधी धड़ा उंदे दर्द की दोहरांदा ऐ पर जिसलै बंगलादेश च ऐसा किश होंदा ऐ तां उंदी कोई प्रतिक्रिया नेईं औंदी। तृणमूल कांग्रेस दे सांसद सौगात राय होरें आखेआ जे बंगलादेश च जेहड़ा किश होंदा ऐ, ओहदा असर पच्छिम बंगाल पर पौंदा ऐ। उन्हें

आखेआ जे इस्कान दे पुजारी दी गिरफ्तारी कुसै बी चाल्ली इक जायज कार्रवाई नेई ऐ। उनें आखेआ जे भारत सरकार गी इस मामले च कूटनीतिक दखल देनी लोइचदी।

<><><><><><>

### **Defence-Partnership Days**

थेआरबंद बलें ते उद्योगें बश्कार सहयोग गी बढ़ावा देने लेई कल्लै थमां दिल्ली च रक्षा भ्याली दिन मनाए जांगन। जारी इक बयानै च रक्षा मंत्रालय नै आखेआ जे दऊं दिनें दा एह कार्रक्रम सरकार ते बपारी भेयालें बश्कार बित्थ गी खत्म करियै बपार ते सरकार ते बपार ते बपार बश्कार दिएं बैठकें दे लक्ष्य गी बवस्थित करियै तैह लक्ष्यें गी हासल करना ऐ।

<><><><><><>

### **Gujrat-handloom**

गुजरात सरकारै अज्ज गांधी नगर च नर्मी कुटीर ते ग्रामीण उद्योग नीति दी शुरूआत कीती जेहदा लक्ष्य औंदे 5एं बरें च इस क्षेत्र च 12 लक्ख कोला ते कम्म रोजगार दे मौके उपलब्ध कराना ऐ। नीति दी शुरूआत करदे होई राज्य दे कुटीर उद्योग मंत्री बलवंत सिंह राजपूत होरें आखेआ जे नर्मी नीति राज्य च दोआर सुविधा, बजारै तगर पुज्ज, हुनर ते बुनियादी ढांचा विकास, आत्मनिर्भर कुटीर उद्योग गी विकसित करने ते राज्य दी रिवायती दस्तकारी बढ़ावा देने दा कम्म करोग।

<><><><><><>

## LS-Highspeed Train

सरकारै अज्ज लोकसभा च दस्सेआ ऐ जे भारतीय रेलवे नै तेज रफतार आहिलें हाई स्पीड रेल गड्डिं दी डिजाइनिंग ते निर्माण दा कम्म शुरू करी दिता गेदा ऐ। अज्ज लोकसभा च इक सोआलै दे परते च रेल मंत्री अश्विनी वैशणव होरें दस्सेआ जे इंटीग्रल कोच फैक्ट्री, भारत अर्थ मूवर्स लिमिटेड कन्नै मिलियै तेज रफतार रेल गड्डिं दा निर्माण करै करदी ऐ।

<><><><><><>

## NSG-Hub Jammu

केंद्री गृह मंत्रालय नै कुसै बी बड्डे आतंकी हमले दा मकाबला करने लेई जम्मू शहरै च राष्ट्रीय सुरक्षा गार्ड-एन.एस.जी दा इक स्थाई केंद्र कायम कीता ऐ। एह केंद्र जम्मू क्षेत्र दे बक्ख-बक्ख जिलें च सुरक्षा बलें पर होए दे आतंकी हमले दे बाद बनाया गेआ ऐ। एनएसजी कमांडो दी तैनाती जम्मू-कश्मीर पुलस आसेआ जम्मू-कश्मीर लेई तैयार कीती गेदी आतंकवाद विरोधी योजना दा हिस्सा ऐ। इनें कमांडोएं दी तैनाती उच्चिं इमारतें, सुरक्षा प्रतिष्ठानें ते संवेदनशील सार्वजनिक थाहरें पर कीती गई ऐ तां जे कुसै बी चाल्ली दे आतंकवादी हमले कन्नै तुरत निब्बड़ेआ जाई सकै।

<><><><><><>

## Trade Fair

दिल्ली दे भारत मंडपम च जारी 43में भारती अंतर्राष्ट्री बपार मेले-आईआईटीएफ दा अज्ज खीरी ध्याड़ा ऐ। मेले दा विशे सार ऐ - विकसित भारत 2047। 14एं

दिनें दा एह मेला आलमी सतह उप्पर भारत दी आर्थिक ते सांस्कृतिक समृद्धि  
गी प्रदर्शित करदा ऐ। मेले गी इस बारी शानदार प्रतिक्रिया थोई जेहदे च बड़ी  
बद्ध गिनतरी च लोक पुज्जे। इस बारी मती तरजीह आहला राज्य झारखंड ऐ  
जदके बिहार ते उत्तर प्रदेश भागीदार राज्य रेय। अंतर्राष्ट्री मेले च चीन, मिस्त्र,  
ईरान, दक्खन कोरिया, थाईलैंड, तुर्कीय ते संयुक्त अरब अमीरात सने 11एं  
मुखें हिस्सा लैता।

<><><><><><>

### Day IFFI

55में भारती अंतर्राष्ट्री फिल्म उत्सव च अज्ज मशहूर फिल्म निर्देशक तपन  
सिन्हा हुंदी फिल्म जातरा पर विशेष कार्यक्रम 'द स्पेयक्ट्रम एंड द सोल'  
आयोजित कीता गेआ। अर्जुन चक्रवर्ती, एन.मनु, चक्रवर्ती ते मन्नी-परमन्नी दी  
अभिनेत्री शर्मिला टैगोर दी सदस्यता आहले इक प्रतिष्ठित समूह नै तपन सिन्हा  
हुंदी बेजोड़ निर्देशक कला पर अपनी गल्ल आखी। आकाशवाणी कन्नै गल्लबात  
च अर्जुन चक्रवती होरें दस्सेआ जे तपन सिन्हा होरें 48 फिल्में दा निर्देशन  
कीता पर कुसै बी फिल्म च विशे ते शैली गी दोहराया नेई। एहदे शा पैहले  
मन्ने-परमन्ने दे फिल्म कार आशुतोष गोवारिकर हुंदी अध्यक्षता आहले  
अंतर्राष्ट्री प्रतियोगिता निर्णायक मंडल नै इस बरे प्रतियोगिता वर्ग च आई  
फिल्में दे बारै च अपने विचार सांझे कीते।

<><><><><><>

## India-Japan

विदेश सचिव विक्रम मिश्री होंरें अज्ज टोक्यो च जपान दे उप विदेश मंत्री मासाताका ओकानो हुंदे कन्नै बपार ते प्रौद्योगिकी समेत आर्थिक सुरक्षा पर भारत जपान वार्ता कोला पैहले आहले गेड़ दी सांझे तौरा पर अध्यक्षता कीती। इस वार्ता च दौनें सरकारें दे हितधारक मंत्रालयें, विभागें ते एजेंसिएं हिस्सा लैता। बैठका च सरबंधित आर्थिक सुरक्षा नीतिएं पर सलाह सूत्र करने, औद्योगिक ते तकनीकी लचीलापन बनाने लेई सांझेदारी गी मजबूत करने ते प्रमुख प्रौद्योगिकिएं दे अनुसंधान ते अनुप्रयोग च सहयोग गी बढ़ावा देने पर चर्चा होई।

<><><><><><>

## LS-PMGKAY

सरकार नै अज्ज लोकसभा गी सूचित कीता ऐ जे प्रधानमंत्री गरीब कल्याण अन्न योजना राएं देश च 80 करोड़ शा मते लोकें गी लाह थोआ ऐ। सदन च 1 लिखित परते च उपभोक्ता मामले, खाद्य ते सार्वजनिक बंड राज्यमंत्री निमूबेन बम्बनिया होंरें दस्सेआ जे अगले 5 बरें लेई योजना गी जारी रक्खने लेई कोई सर्वेक्षण नेई कीता गेआ ऐ। उनें आखेआ जे हालांकि गरीब लाभार्थिएं दे माली बोझ गी घट्ट करने लेई मुफ्त अन्न-दाने दी बण्ड दी मियाद जनवरी 2024 शां अग्गे 5 बरे लेई बदाई दिती गेई ऐ।

<><><><><><>

## Jitendra-DLC 3.0

जन शकैत, कर्मिये ते पिंशन सरबन्धी राज्यमंत्री डॉ. जतिंद्र सिंह होरें आखेआ जे पिंशनी होए दे लोकें ते वरिश्ठ नागरिकें दी सौक्ख लेई शुरु कीती गेदी डिजिटल जीवन प्रमाण पत्र बवस्था नै अपने त्रीये गेड़ च रिकार्ड 1 करोड़ दा आंकड़ा पार करी लैता ऐ। उनें आखेआ जे एह अभियान प्रधानमंत्री नरेंद्र मोदी हुंदे नजरिये दे मताबक वरिश्ठ नागरिकें दा जीवन असान बनाग। प्रधानमंत्री होरें आकाशवाणी दे मन की बात कार्यक्रम दी हाल दी कड़ी च वरिश्ठ नागरिकें गी सुविधा ते सरलता उपलब्ध कराने दी गल्ल आक्खी ही। डिजिटल लाइफ सर्टिफिकेट अभियान दा त्रीया गेड़ इस म्हीने दी पैहली तरीक थमां देश दे 800 शैहरें ते कस्बें च चलाया जा'रदा ऐ। एहदे तैहत 25 नवंबर तोड़ी 1900 शां मते शिविर लाए जाई चुके दे न।

<><><><><><>

### Search Operation Poonch

सुरक्षाबलें अज्ज पुंछ जिले च कब्ज़ा रेखा दे नेड़े संदिग्ध नकलो-हरकत दिक्खने दिएं रिपोर्टें परैन्त इलाके च घेराबंदी ते तपाशी अभियान चलाया। आकाशवाणी दे जम्मू संवाददाता दी रिपोर्ट मूजब, राश्ट्रीय राईफल्स ते जम्मू-कश्मीर पुलस दे जवानें रलियै मेंढर सैक्टर च बेहरी रक्ख आहले जंगलें ते एहदे कन्नै लगदे इलाकें च किश संदिग्ध नकलो-हरकत बारे जानकारी थहोने परैन्त उत्थे घेराबंदी अभियान चलाया। इस्सै किस्मै दा अभियान मनकोट इलाके च बी चलाया। ऊआं, अजें तोहडी आतंकवादिएं दा कोई सुराग हत्थ नेई लगगे दा ऐ। इस बारे होर ब्यौरे गी बलगेया जा करदा ऐ।

<><><><><><>